





327.

11

Q. D. B. V.

**MOTUM  
OPTIMAM CORPO.  
RIS MEDICINAM,**

SPECIMINE INAUGURALI  
RECTORE MAGNIFICENTISSIMO,  
SERENISSIMO PRINCIPE AC DOMINO,  
DN.

1701, 256

**FRIDERICO WILHELMO**  
REGNI BORUSSIAE, ELECTORATUS ET PROVIN-  
CIARUM BRANDENBURG. HEREDE &c. &c.  
IN ILLUSTRIS ACADEMIA FRIDERICIANA  
SUB PRÆSIDIO  
*Viri Excellentissimi*

**DN. FRIDERICI HOFFMANNI,**  
D. Med. Reg. Aulici Philos. Natural. ut & Med.  
Prof. Publ. primarii,

*PATRONI, PRÆCEPTORIS ET PROMOTORIS SUI  
omni obsequii cultu atatem colendi,*  
**PRO GRADU DOCTORIS**

rite ac legitime impetrando,  
Ad D. April. MDCCL. horis ante & pomeridianis  
Publico Eruditorum iudicio exponit

**ENGELBERTUS ANDREAS OTTO,**  
NAUMBURGENSIS.

Typis CHRISTOPH. ANDREÆ ZEITLERI, Acad. Typogr.

*Handwritten signature*



326.





DISSERTATIO INAUGURALIS MEDICA  
De  
MOTU OPTIMA CORPORIS  
MEDICINA.

P R Æ F A T I O.



Undamentum, quo sanitas, vita & ipsi morbi continentur, simplex esse, neque diffusum & varium, quivis, qui medicinae naturae interiora paullo accuratius introspicere ac penetrare novit, fateri tenetur. Nihilominus vehementer mirandum est, ad custodiendam sanitatem & morbos propullandos infinita ferme, diversissimaeque indolis a medicis excogitata esse remediorum genera. Simplex natura est in suis operationibus, quibus vita administratur, & pauca sunt, quae sanum corpus servant, neque si rem paullo attentius consideremus, morborum causae multiplices: hinc remedia, quae amissam restituant sanitatem, neque varia, neque numerosa esse debere, valde videtur credible: immo non credible illud, sed verum esse adfirmo, adeo ut pessimis fatibus nostrae artis merito adnumerandum illud sit, quod

A 2

tanta

tanta medicamentorum & diversarum compositionum farragine practicoꝝ tam veterum quam recentioꝝ, refertos libros invenias, quibus nihil aliud efficitur, quam ut medendi ars valde difficilis, operosa, infecura, fallax evadat. Certe pauca sunt, quibus medicus, naturæ callens effectus, bono cum successu & salute ægrotantium ac gloria sua uti & curam absolvere potest.

Quinimo plurima nullius momenti & exigua videntur, quæ tamen in servandis corporibus & morbis abigendis, incredibili gaudent potentia, & talia sunt, quæ sex rerum non naturalium titulo comprehenduntur, quibus si recte utamur, magna in medicina sine medicina præstare possumus. Exemplum nobis subministrat motus, sive exercitatio membrorum corporis, cujus tanta vis ac potentia est, etiam veterum constanti adsertione, & etiam ipsa experientia teste, ad sanitatem non modo tuendam, sed ægrotationes quoque corporis expugnandas, ut optimis ac pretiosissimis medicinis longe multumque præferenda sit. Suscepimus id laboris sub divino favore ac gratia, in præsentem materiam hanc! longe utilissimam paulo exquisitius agitare, & quid motus commodi vel incommodi adferat, & qua ratione hic ipse loco præsentissimæ medicinæ sanis & ægrotis servire possit, luculentius quodammodo demonstrare. Deum autem O. M. supplices veneramur, ut benignissima sua gratia nostris meditationibus ac cogitationibus adesse, illaque in solatium miserorum mortalium dirigere velit clementissime.

## §. I.

**P**er motum autem, de quo nobis sermo est, intellectum volumus, istum voluntarium, quo machina pro arbitrio animæ e loco in locum movetur, sive per proprias vires motrices corpori insitas, quemadmodum est ambu-

## OPTIMA CORPORIS MEDICINA.

ambulatio, cursus, sive per alienas, ut est equitatio, vestio.  
 Deinceps etiam motus considerari potest ut totalis, quum  
 totum corpus movetur, vel partialis, quum certa dumtaxat  
 hominis pars, v. g. manus, brachium, hinc inde motu vol-  
 vitur. Operæ pretium quoque erit hic insinuare differen-  
 tiam motus, qua veteres passim usi fuerunt, dum inter mo-  
 tum, exercitationem & laborem distingunt, quod sc. mo-  
 tus sit res quædam magis communis & conveniens, quam  
 exercitatio, nam sæpe multi moventur, neque tamen ex-  
 erceri dicuntur; exercitatio vero sit motus vehemens, si-  
 quidem eum tantummodo motum exercitationis nomine  
*Galenus lib. II. de sanitate tuenda* dignatur, qui concitatione  
 sua & vehementia anhelitus rationem & naturam immutare  
 quadantenus possit, quandoquidem in quibus, nulla per cor-  
 poris motus sit anhelitus mutatio, hos minime exerceri  
 dicimus, nec eos motus exercitii nomine dignamur. Bre-  
 vibus, quod si quis magis celerius crebriusque ex motu re-  
 spirare cogatur, huic tantus motus exercitatio fuerit, ita  
 pugilatus, cursus, saltatio, pilæ lusus exercitationes sunt;  
 ambulatio autem, blanda equitatio, vectatio, modulatio  
 vocis seu cantus, tantum motus nuncupari debent. Simi-  
 liter labor, etsi sit vehemens motus, tamen non omnis la-  
 bor vocatur exercitatio, siquidem fodientes, merentes, plan-  
 tantes, venantes, domum exstruentes, laborare dicuntur,  
 sed non proprie exerceri, utur eundem sapius effectum  
 cum exercitatione habeat. Proprie veteres exercitationem  
 dixerunt motum corporis vehementem, voluntarium, cum  
 citato anhelitu, sanitatis tuendæ gratia factum: laborem  
 autem morum, qui fatigationem secum trahit, & ubi finis  
 hic non intenditur. De singulis seorsim, quid commodi  
 & incommodi alant, quibus individuis, quibus in morbis  
 convenient, nec ne, sigillatim breviter tamen dicemus.



§. II. Primo omnium autem demonstrabimus motum sive exercitatio sive labor aut motus in genere sit optimam esse medicinam, corpus præservantem ab omni morborum genere, quod ut ostendamus, per placet hujus adferentis confirmationem auspicari a veterum sapientissimorum gravissimis dictis, e quibus clarius elucebit, quanto pretio habitus & quantopere olim commendatus fuerit ad sanitatem tuendam. Ita Galenus lib. II. de sanitate tuenda scribit, *sanitatis tutela a labore est auspicanda, & paulo postea: laboribus ordiendum. Et libro de boni & mali succi cibis. Ad sanitatem tuendam, air, maximum quidem malum est omnimoda corporis quies; perinde atque maximum bonum est, motio moderata, hoc est, si corpora moderate exercentur.* Et rursus eodem libro de semet ipso, historiam instituti a se victus recensens, in quem unum quempiam e sodalibus hortatu suo pertraxerat, ad hunc modum de exercitiis com-  
modis disserit. Curam, inquit, ambo adhibuimus, ut ex-  
erceremur, cruditatesque omnino vitaremus, ob idque ad hanc usque diem multos jam annos incolumes viximus. Quod multis ante Galenum annis Aristoteles in *Probl.* expres-  
ferat, dum illud inquit, cur cibum minuere, laborem au-  
tem augere salubre sit. An, inquit, quia causam ægotan-  
di, excrementorum habet nimietas: quæ tunc certe exsul-  
tat, quum aut cibum superest, aut labor deest? Clarius au-  
tem id exprimit magnus & vetustissimus auctor Hippocra-  
tes, qui libro I. de victus ratione Sect. IV. pag. 7. scribit: *qui comedit, nisi etiam utatur laboribus, sanus esse non potest. Et ibidem: Cujusvis nature conveniens cibi modus, & laborum nu-  
merus si inventus fuerit, qui neque supra, neque infra modum excedat, sanitas hominibus exacta inventa fuit.* Et idem lau-  
datisimus auctor lib. VI. de morbis vulgaribus p. 274. sapi-  
enter pronunciat: *Optime excolunt valetudinem, qui citra sa-  
tietate*



## OPTIMA CORPORIS MEDICINA.

*tietatem cibis vescuntur, & impigri sunt ad laborem.* Auctor est *Vegetius*, rei militaris peritos existimare, plus quotidianas armorum exercitationes ad sanitatem militum conservandam conferre, quam medicos. Propterea & *Socrates* sæpius, teste *Laertio*, saltitabat, gnarus, uti aquæ desides putrescunt, ita & corpora nostra corrumpi otio atque ignavia. Quod egregie *Ovidius* expressit in sexta mislarum de Ponto elegia:

*Cernis ut ignavum corrumpant otia corpus?*

*Ut vitium capiant, ni morvantur aqua.*

Medea hominibus juventutem restituisse & in robustiorem eos aetatem retraxisse fingitur, proptereaque eam veneficam fuisse ajunt. At non ita est: fuit foemina prudens, quæ exercitationibus gymnasticis molles & effæminatos, otioque corruptos ad integram sanitatem traduxit, & laboribus in locis calidis firmavit. Eam ob causam fabulæ occasio data, quasi homines coquendo in juventutem restituerit. vid. *Plempius de Sanit. tuenda pag. 284.* Ex recentioribus placet quoque huc accersere testimonia probatissima, quæ adferentem hanc firmare ac roborare possunt. Ita scribit *Cl. Pecblinus* observ. XXXIV. *nulla corpora morbis minus obnoxia, injuriisque tolerandis magis idonea reperies, quam illorum, qui a prima statim infantia motu palæstrico, gladiatorio, aut alia vehementia firmitatem sibi contraxere virium, robur, quod quum in seram aetatem extendant, usque eo etiam immunitatem a morbis incommodisque facile sibi procurant, quod infinitis exemplis obvium est.* Et celeberrimus auctor medicinae mentis & corporis pag. 6. scribit: *octoginta annor. senes se vidisse, qui quum assidue cursitando in perpetuo motu fuissent, pedibus plus valere, quam multi juvenes, qui & cibos appetenter & somnum quiete ceperunt.*

§. III. Verum non opus est, hic multorum colligere aucto-

autoritates; quin ipsa experientia comprobat, quod illi homines, qui laborant, qui vitam agrestem alunt, non modo sint robustioris corporis, sed & vitæ longævioris, & vitam a morbis magis immunem degant, quam illi, quibus voluptas est, inertio otio advesfacere corpus, & sicuti pulchre scribit *Plempius l. cit. pag. 284.* securitatem soporis simillimam appetere, sub densa umbra latitare, tenerrimisque cogitationibus, quas tranquillitatem vocant, animi marcentis oblectare torporem, & cibus portionibusque intra ædium latebras corpora ignavia pallentia saginare.

§. IV. Stabilita sic experientiæ & auctoritatis fide, res jam poscere videtur, ut etiam laboremus exquisitas & solidas rationes in medium producere, quibus clarum evadat, cur motus & exercitatio tam vegetum, sanum & a morbis liberum fervet corpus, & valde iis, qui cibus fatiantur, necessarius sit. Supponendum autem hic ex Physiologicis est, vitæ & sanitatis rationem pendere maxime a fluorum & catholici istius fundamentalis & vitalis humoris sanguinis perenni, jugi, æquabili circulo & motu progressivo per majores minimosque corporis tubulos, adeo, ut si motus hic salvus ac incolumis est, inutilia, superflua, & excernenda, feliciter per congrua evacuatoria, & transpirationem potissimum evacuentur, utilia autem & corpori nostro congrua seruentur.

§. V. Hic itaque motus circularis est, qui necessaria hac ad vitam syncrissi ac diacrisi corpus ejusque partes tuetur, servat, & ab omni putredine, corruptione, morboso statu ac morte custodit: utpote clarum ac certum est, morbosas affectiones potissimum a circulo sanguinis impedito, & debitarum excretionum defectu ac imminutione, sobolescere atque propullulare. Iam autem si attentius rem consideramus, nihil magis juvat istum motum sanguinis ac florum

## OPTIMA CORPORIS MEDICINA.

9

orem internum, quam motus externus musculorum, utpote quodcumque muscoli qui genuina sunt motus instrumenta pro animæ imperio ministerio subtilis elastici sanguinis & nervorum fluidi, vivida ac mobilissima expansione contrahuntur, accidit, ut strictura quadam agilissima non modo vasa & præsertim venosa ad constrictionem, sicque ad fluidi sanguinis progresivum motum expeditiorem animentur, sed & ipso hoc motu attritivo particula crassiores attenuentur, dividantur hoc modo intestina motio valde inerescit, fluiditas, spirituaſcentia, calor augetur, hisce autem in corpore præsentibus transpiratio & superflui humidi evaporatio, discussio, maximo emolumento facilitatur & promovetur.

§. VI. Quod autem motus partium corporis externus & voluntarius, si paullo concitior est, sanguini intensiorem in lineam abeuntem motum conciliet, ejusque calorem & spirituaſcentiam nec non exinde dependentem per spirationem adaugeat, res evidentissima evadit, quando ipsa experientia deprehendimus, ad motus vehementiam corpora quando frigore adfecta sunt promptissime incallescere, respirationem fieri citiorem, sudorem e corpore promanare largum, faciei calorem fieri vivaciorem, appetitum prostratum erigi, pulsum evadere citiorem.

§. VII. Ex dictis abunde patet, quantam utilitatem atque emolumentum exercitatio debita adferat corpori: quum enim sanguinis circulum, & excretionum œconomiam, in quibus fundamentum vitæ & sanitatis meritò penitur, fartam tectam servat, non potest non omnibus remedium generibus quæcunque etiam excogitari possunt meritò anteferri.

§. VIII. Ulterius jam exquirenda venit ratio, quare sub victu pleniori & ciborum satietate tantum usum ac

B

com-

commodum præter conveniens corporis exercitatio; a-  
 deo ut si intermittatur, fores apertissimæ (uti fufius jam  
 ostensum est) pandantur gravissimis morbis. Facilis autem  
 videtur esse ratio, quando consideramus cibum copiosum  
 ingestum succos exsuperantes ingenerare, qui ad Sangvi-  
 nem delati ob nimiam molem & copiam ejus motui circu-  
 latorio vitali resistunt & obicem ponunt: dum inter mo-  
 tum & mobile necessaria illa proportio læditur, hincque  
 crudi succi in sanguine congesti, & ventilatione minus de-  
 purati nec calido intestino motu subacti vasa plus justo  
 implent, emunctoria obstruunt undè intemperies, ob-  
 stipitationes, anomoli Spirituum & humorum motus: quæ  
 vitia gravissimorum affectuum causæ antecedentes esse so-  
 lent. Notum enim est quam perniciofa sit sentina insa-  
 turabile abdomen, & quod plethora, fecundissima mor-  
 borum præsertim chronicorum mater, non nisi à ciborum  
 immoderato usu, suboritur. Nisi itaque quis abstinencia  
 & inedia, quæ utique magni morbi præcaveri & sanari  
 possunt, ceu commoda medicina uti velit, opus est maxi-  
 mè ut motu corporis sanguinem excitando eumque activio-  
 rem reddendo adjuvet illius quod superfluum est absum-  
 tionem, discussionem; quod optimè indicat venerandus  
 Senex Hippr. L. 1. de Victus ratione Sect. 4. inquit: *Labores  
 ea que adsunt consumere solent, cibi verò & potiones que va-  
 cuata sunt, explent.* Brevibus: motus debitus tollit & a-  
 vertit plethoram, caloremque suscitando crudum illud su-  
 bigit, & superfluum insensibiliter dissipat. Quamdiu enim  
 legitimo utimur motu, tam diu nec excretiones ordinariæ  
 ac naturales suas deserunt leges: nec ea quæ secundum na-  
 turam ex corpore ejici debent, retinentur: quam in rem non  
 inelegans locus est Galen. Comment. 1. lib. 6. Epidem. c. 5. *Mo-  
 tu paulo, vehementiori redundantes evacuantur humores, &*  
 quic-

## OPTIMA CORPORIS MEDICINA. II

quicquid pituitosum, crassum crudumque est ad concoctionem ducitur. Elucet exinde ratio quare exercitia dicantur veteribus & Galen. l. 4. Aph. Comment. 13. corpora exsiccare, imò extenuare, secundum Aphor. l. 2. Comment. 28. Hinc etiam Hippoc. lib. de salubri dieta: Pingvibus & qui graciles fieri volunt, quando jejuni sunt, labores commendat.

§. IX. At vero opportunus motus non modo vitam tuetur sanam, & corporis actiones servat integras, sed & ipsum animum ejusque vires excitat, ac ingenio vigorem ingenerat: id quod innuit graviss. autor Galen. in lib. de assuetudine hisce verbis: Ab exercitiis anima univ. virtutes augentur & robur accipiunt. Et l. 1. de sanitat. tuenda: Exercitiis modicis tum corporis tum animi, custoditur intra sanitatis fines nativus calor. Et pulchre ac scite Plinius l. 1. Epist. 2. Animum agitatione motuque corporis excitari affirmat. Etenim probe tenendum est, copiosum victum spiritus ascensionem, quæ ad ingenii actiones valde necessaria est deprimere, & juxta Galenum, animum sanguine suffocatum cælesti aliquid pervidere non posse. Hinc Theophr. l. 5. Philosoph. scribit: multum edere, carnibus vesci, rationis & consilii usum adimit, animosque efficit tardiores, & eos immani quadam dementia ac stultitia complet. Quemadmodum autem motus, vitium illud humorum ac sanguinis ab intemperantia natum corrigit atque emendat, sanguinemque subtiliorem gignit, ita nullum dubium est, quod etiam animæ, quæ miram convenientiam cum temperie sanguinis habet, optima sit medicina. Testatur hoc Excell. Dn. Præses, qui plures ex nimia cerebri humiditate & humorum copia stupidos, temperantia & continuis corporis motionibus postea addictos, sagaciores ac prudentiores evasisse novit.

§. X. Descendimus jam ad alterum dissertationis nostræ membrum; quod in eo consistit, ut motus amissam e-

## DISSERT. DE MOTU

tiam sanitatem restituere, sive morbos sanare virtute ac efficacia sua satis potenti queat. Quemadmodum verò hoc conceptu facillimum ita & rationi admodum consentaneum est; dum enim motus plethoram solvit, corpus pervium patensque reddit, superflua & excrementa secludit, obstructions viscerum dissolvit, non potest non etiam magnum habere in medicina effectum, sive tutissimum remedium existere, cui similes virtutes non facilè ab alio tutiori ratione expectari possunt.

§ XI. Res est clarissima & non tantum per experientiam sed & solidam rationem perspicua, remediorum, quæ ex fonte Chirurgico ac pharmaceutico petuntur, præcipuam efficaciam in eo consistere, ut vel nimios & irregulares motus sistant, vel motus sægnes, deficientes, atque excretiones imminutas suscitent atque promoveant. Porro etiam compertum est neque negari ab ullo rerum medicarum perito potest; cuncta quæ sanguinis circulum movent, cum blanda diaphoresi, constituere tutissimam & efficacissimam medicinam: id quod omne continetur & conspiciatur in motu, qui pro diversa individuorum constitutione probè administratus, non nisi utilis medicina esse potest.

§ XII. Primo autem motus medicinam præbet appetitui prostrato, anorexia variisque stomachi vitiis, quæ ex colluvie viscida pronasci possunt. Utpote dum calorem sanguinis motus adauget, liberiores spirituum in ventriculi tunicas influxum præstat, hinc digestio melior evadit & robur ventriculo accedit. Vulgaris namque experientia est post exercitium corporis & laborem appetitum augeri, adeo, ut veteres unanimi consensu approbent, motus & labores cibos præcedere debere.

§ XIII. Quantum damnum afferat corpori, si quis post nimiam incalescentiam & fervorem conceptum à motu pro-

## OPTIMA CORPORIS MEDICINA.

tu protinus haustum frigidum superbibat, testantur præclarissimorum Practicorum numerosæ observationes. Plures sæpenumerò intra breve temporis spatium extincti fuerunt; alii in insanabilem inflammationem ventriculi, hepatis, tabem, hæcticam lethalem inciderunt. Quibus omnibus laudatissime succurrit motus in principio statim imperatus. Quum enim frigidum sanguinis gelatinam coagulando, circulationem ejus liberam sistat, non potest melius ipse rursus fluiditate amica donari quam per motum & corporis incalcescentiam novam: quod & æconomis ac rusticis non ignotum est, qui equis paralyticis (denen ver- schlagen Pferde) quietem haud concedunt, sed, (quamvis lentiori gradu) illos eousque fatigant, usque dum sudore diffluant. Cujus forsitan curationis non ignari olim gentiles in urbe *Neapoli* statuam quandam extruxere aeneam, figuram magni equi habentem, quam ægroti equi circumcursum, indeque pristinum vigorem ac robur recuperasse feruntur.

§. XIV. Intermittentium febrium species ex meatuum obstructione & perspiratione cutis impedita oriri, constans est sententia: & viscidum in primis viis nec non in sanguine collectum has ipsas fomentare, ex causis antecedentibus, intemperantia, ac perverso victu, hariolari licet. Jam autem nihil magis hic indicatur, quam ut corpus rursus perspirabile reddatur, meatus aperiantur, & viscidum p. n. congestum attenuetur: id quod ipse motus maxima cum euphoria præstat; dum illo sanguis per angustissimos corporis poros & tenuissima vasa capillaria propellitur, sicque necessariò attenuatur & à superfluis excrementitiis partibus liberatur.

§. XV. Affectio hypochondriaca, quæ studiosis, literatis atque togatis propter sessionem & quietem corporis,

ris frequentem valdè solennis est, non certius & securius remedium ex postulat quàm debitum corporis motum; quo ipso plus crebrò præstamus in resolvendo sanguine crasso, & obstructionibus aperiendis, quam præstantissimis medicinis: Sicuti hoc *Clariss. Thom. Sydenham in Dissert. Epistol. de Passione hysterica p. m. 476.* admodum perspicuè deduxit, ubi imprimis de equitationis utilitate disserit, & sacerdotis cujusdam meminit, qui malo hypochondriaco vehementer correptus, sine omni adhibito pharmaco, solò corporis motu pristinum acquisivit vigorem. Spectant & huc, peregrinationes ad thermas, acidulas, quæ propter motum qui in itinere contingit & qui necessario potationi aquarum jungi debet, plus operantur quam ipsæ sapius aquæ. Hinc quivis Aqua potator fateri debet, non melius esse cum ipso & mitiorem morbum experiri, quam si frequentius corpus motu exerceat. Hoc enim transpiratio, hoc alvi excretio procuratur, magno cum istorum emolumento. Eò referre quoque licet omnes illos qui cachectico habitu corporis sunt præditi, qui ex torpore humorum, scabie, tumoribus œdematosi, variisque rheumaticis defluxionibus corripuntur; qui omnes auxilium desideratissimum experiuntur debito corporis motu.

§. XV. Nulli insuper morbo magis conveniens & accommodata est corporis exercitatio, quam febribus lentis, ex ventriculi vitio, intempestiva febrium intermittentium suppressione & perversa curatione subortis. Ut pote in hisce viscosus lentus humor tubulos ac meatus hinc inde obstruens, intensum fervorem ac æstum corporis succos plus justo confumentem producit; cujus tamen incendii fomes (intelligo viscosum illum lentorem) corporis succusione æquabili, quæ vel per equitationem vel per vectionem absolvitur, egregiè dissipatur. Et cum similis ferme lentus



OPTIMA CORPORIS MEDICINA.

15

lentus calor sapissimè affligat corpora à diuturno morbo & febre exhausta, vel propter largam hæmorrhagiam imbecillia facta, præsertim quando appetitui paulò avidius indulgent, hinc eo casu debitus corporis motus aptissimum invenit locum, quoniam nimirum digestionem, quæ in præsentî casu valdè imbecillis est, suscitato calorè mirificè adjuvat. Hanc in rem eleganter scribit: *Cels. c. 15. de Gestatione. Gestatio quoque longæ & jam inclinatis morbis aptissima est: Utilisque est & his corporibus, quæ jam ex toto febre carent, sed adhuc exerceri per se non possunt; & his, quibus lenta morborum reliquia remanent, neque aliter eliduntur.* Et *Richardus Morton Exercit. at: de Phtisi pag. 26.* asserit: quod febre lenta vel etiam phtisi laborantes ad sudores usque moderatos quotidie exercendi sint; quo nimirum saburra veteris effœti & inutilis chyli, qui vasa sanguifera & habitum corporis jam infercit, ex fuderur, ut locus novo, utilique copiosior detur, & consequenter appetitus in ventriculo augeatur.

§. XVII. Præterea in aliis gravibus etiam morbis & afflictionibus, corporis motus & quidem validior conducibilis est. In tabe, stomachi vitiis & cum aqua cutem subit, inque morbo regio, aut ubi quidam morbi sine febre manent, qualis comitialis, qualis insania est, *Cels. l. cit.* admodum illum commendat. Morbi hi dicti omnes ex frigido denso humore, vasa hinc inde obstipante & sanguinis circulum impediente, nascuntur; qui tamen motu corporis validiori, optime in ordinem redigitur. *Cl. Thom. Sydenham Dissert. Epistol. de passione hysterica p. 476.* ubi de equitatione loquitur, asserit, nemini convenientiorem esse corporis motum, quam ipsis tabidis phtisicisque; quod sequentibus exprimit verbis: *Neque magis hypochondriacis prodest hoc exercitii genus, quam tabidis phtisicisque, quorum nonnulli*



Nulli mihi sanguine juncti multum terrarum equo vectore peragrantes, ex meo consilio, sanitati sunt restituti; cum certo sciam me vel medicamentis quanti vis pretii aut alia methodo, quæcumque demum ea fuerit, nihil magis iisdem proficere potuisse, quam si multis verbis hortatus fueram ut recte valerent. Illustrat hanc Sydenhamii adserionem Magnificus atq. Excellentissimus Dn. D. Stahl, in programmate propemptico inaugurali de novo specifico antiphlogistico, equitatione, edito: ubi probationibus luculentissimis lectu & relectu dignissimis motus efficaciam in phthisi & hæctica, monstratam B. L. inveniet.

§. XVIII. Notatu dignissima est *Observatio XXXV. clarissimi Pecclini*; ubi amici cujusdam mentionem facit, qui cum a quartana inveterata pessimæ haberetur, remedium quæ medici manus commendaverat, pertusus, animique fidens instante jamjam paroxysmo equo se committeret feroci, cui domando cum omnes vires intendere deberet, provocata tandem quatuor horarum lassitudine eo rem deduxit, ut morbi vestigia penitus oblitarentur, neque exinde febris magis inquietaret, quæ tot medicamentum sudorumque impendio frustra sollicitata fuerat. Utrum in illa musculorum sapius & in omnem partem vaxatorum systole sanguinis e minimis reconditisque venis, in quibus obstructions residere solent, fortius quam per sudores fuerit impulsus coaguloque viscoso allisus (ut sic ipsum quoque solveretur) magnamque sui partem eodem flumine abreptus, vel in urinam vel alvum secederet, haud temere judicaveris.

§. XIX. In colica biliosa, non datur præstantius remedium quam ipse corporis motus; sicuti id laudatissimus Sydenhamius indicat, dum ægrotis chronico hoc affectu laborantibus equitationem vel in curru vectionem, quo  
logiora

OPTIMA CORPORIS MEDICINA.

17

longiora itinera confici debeat, optimâ ratione commen-  
dat. *Hujusmodi enim, inquit, materiam morbo committens, in corporis habitum deducitur, & sanguis perpetua agitatione comminutus de novo quasi depuratur, ipsaque demum intestina caloris nativi excitatione haud parum corroborantur & refocillantur. Nec pudet fateri me dicto exercitio morbum hunc, cui alio quovis modo devincendo par non fui, plus semel penitus expulisse.* Vid. Sydenham. oper. med. univ. p. m. 192.

§. XX. Corpora, quæ ad rheumatismos, catharrhales defluxiones, arthriticos dolores, ophthalmias humidas, valde proclivia sunt, non meliorem inveniunt præservantem medicinam quam in motu pro subjecti natura ac indole temperato. Etenim & hæ dictæ agritudines ab excrementi serosi humidi accumulatione, transpirationis defectu & fegniori sanguinis motu, causam atque originem suam perunt. Pertinent & huc Podagrici, quorum non nullos ipse nosco qui recuperatam sanitatem suam corporis exercitio acceptam ferunt. Consentit in hanc rem Galen. l. 6. Aphor. Comment. 28. inquit: *Exercitatio Podagram fieri prohibet.* Et ulterius confirmat hoc ipsum assertum experientia, dum rustici, operarii, rarissime hoc affectu corripiuntur, nisi forsitan ex dispositione hæreditaria corpus invaserit.

§. XXI. Tandem nec silentio illud prætereundum est, quod motus juvet multorum medicamentorum operationem, adeo, ut sine ipso, exoptatum in medendo effectum neutiquam exerere possimus. Ita notum est, si purgans fuit assumptum vel etiam vomitorium, corporis motu non nimis tamen forti, medicamenti virtutem egregie actuari imo intendi, ut longe copiosiores sedes experiantur qui motum purgantibus subjungunt, quam qui fruuntur quiete: juxta illud Galeni l. 4. Aphor. com. 15. *Quies vomitum sistit, motus facit.* &c. Singularem hujus rei illustrationem

C

sistit



sisit casus, in Collegio casuali hactenus habito ab Excell. Dn. Præside communicatus. ubi nobilis quidam vir post octiduum pertinacissimam alvi constipationem omnibus etiam præscriptis Clysteribus moveri non potuit, usque dum ipse æger hinc inde in lecto volutus & agitatus fuerit: quo facto corporis motu mox fœces copiosissima fecerunt.

§. XXII. Martialia sive in forma sicca sive in liquida administrantur, non nisi imperato post eorum usum motu felicem sortiuntur effectum: hinc peritiores Medici nunquam cautelam hanc in applicandis iis remediis omittunt, probè gnari, quod ex hujus intermissione non modo vis medicamenti imminuatur, sed & notabilis noxa, dum in ventriculo non soluta manet metalli portio, inde emergat.

§. XXIII. China China, remedium uti compertum est multiplici experientia, adversus febres est incomparabile; quod tamen non modo efficaciam suam sæpius amittit, sed & contrarium effectum edit, nisi parva repetita dosi, & cum motu corporis in quo totius curæ & applicationis arcanum consistit, administretur. Nimirum, si majori dosi ingeritur, ipse ventriculus ejus copia premitur, & dum non à menstrualis lymphæ ibi resolvitur, effectum omni destituitur; quin imo etiam soluta sanguinique ingesta, (cum adstringentis facultatis sit,) obstructions & obstipationes viscerum potius parit, quàm ut roborando viscera (id quod tamen intenditur,) motum sanguinis & humorum excrementitiorum ejectionem procuret.

§. XXIV. Post venæ sectionem motus corporis conveniens & in aura serena, liberiori, institutus, omnibus modis sradendus est: quò scilicet liberior & æquabilis per omnes partes sanguinis dispensatio ac motio fiat, & ex detracto sanguine forsân resultans imbecillior calor & spiritus-  
cer-

OPTIMA CORPORIS MEDICINA.

19

centia defraudata refusciterur; qua ratione præcaveri possunt cruditates ventriculi, quæ largiorem sanguinis missionem non raro excipiunt.

§. XXV. Acidulæ & omnes aquæ salubres frigida incredibilem potentiam habent tam mole sua, quam virtute specifica minerali stimulante inveteratas viscerum obstructions expediendi, & viscidam amurcam vasorum colligandi; nisi autem motu externo sufficienti comitentur & ipsarum virtus juvetur, frustraneus sæpè illorum est effectus, omnemque spem ægroti & medentis eludunt. Quippe frigidum istud copiosum motu externo incalescere debet, & vigore muscutorum aucto citius & celerius per meatus corporis & viam regiam rursus transit.

§. XXVI. Ultimò adducam fœminarum pleraque incommoda dependere à mensium fluxu irregulari & non ordinem, rectum modum ac tempus servante. Cum verò gravissima à mensium defectu natales suos recipiant mala, nemo hinc in dubium vocabit, motum, qui sanguinem æqualiter exagitat, qui viscidum quod ejus turgescentiæ ad-versatur, & uterinas venas occludendo constipat, dissolvit, nobilissimum præstare posse auxilium in omnibus ferè, quos experiuntur, morbis chronicis ipsæ fœmina: Tantum, ut abstineant à validioribus omnibus exercitiis, si gravidæ sunt. Quid enim frequentius accidit quam à motu validiori in primis circa medium gestationis tempus causari abortum? quum primariò omnes ferè gravidæ sint plethoricæ: undè si per motum externum sanguis iste exsuperans nimium commoveretur, vasa quæ in uteris prægnantium valde distenta sunt, dirumpit, & diruptione hac enormissimam hæmorrhagiam, individuum abortionis commitem, suscitatur. Nihil ominis verò gravidarum conditioni ac flatui, temperatus corporis motus nonnunquam o-

C 2

ptime



ptime congruit, dum scil. liberiorem transpirationem efficiendo, multas serofas impuritates non sine singulari emolumento matris & foetus excludit.

§. XXVII. Postquam itaque in genere deduximus quem usum atque commodum habeat in tuenda sanitate, morbisque avertendis ipsisque propulsandis, opportuna corporis exercitatio; e re nostra ac perutile fore arbitror, si jam breviter cunctas ferè & primarias exercitationum species percurram: & quid quævis commodi vel incommodi asserat, quibus in morbis & individuis quadret, & quæ regulæ simul servandæ sint, succinctè & evidenter annotem.

§. XXVIII. Exordium faciam ab ipsa deambulatione, in aere libero quæ omnium opportunissima, instituta, Veteres & inter hos Plato, deambulationem in aere liberi rusticano celebratam, ei quæ in civitatibus instituitur, præferunt, partim quod ob vias planas commodior sit, quam si viæ lapidibus duris stratæ sunt, partim etiam quod aer, qui genuinum spirituum pabulum est, ibi serenior & defecator existat. Ipse *Plinius* animum eruditione, corpus ambulatione & venatione exercebat, mille passus manè ambulabat, movebaturque pila satis fortiter; nam hoc exercitationis genere pugnabat cum senectute; unde quoque illi post septimum & septuagesimum annum, aurium ac oculorum vigor integer & vividum corpus permanebat. *Vid. Plin. l. 3. Epist. 1.* Moderata species motus deambulatio est, & litterarum conditioni admodum accommodata; quippe in hac musculorum actionis æquilibrium servatur, & sui invicem officia muscoli alternant: cum que universa simul machina in ambulatione laboret, musculorumque omnium sit æqualis commotio, fluidi circuitum toti corpori ex æquo respondere necesse est: à quo, cum viscera habitusque corporis robur suum atque calorem accipi-

ant,

## OPTIMA CORPORIS MEDICINA.

21

ant, utiq; etiam tonum illorum in illa sanguinis per motum divisione mirificè confirmari, credibile est. Digestionum & secretionum negotium hic motus etiam egregie & placide procurat, & ab hypochondriaca affectione, cruditatibus, alvique damnosa obstructione, tagatos & litteris addictos egregie præservat. Unde haud immeritò locum hic invenit illa *Martialis* assertio; qui insanix adscribendum esse putavit, si homo juvenis & validus aliorum pedibus ambularet per urbem.

§. XXIX. Deambulationi succedit saltatio blanda & placida; cujus originem Græcorum scriptores ex coelis, stellarum, siderumque lationibus, eorumque gressu ac regressu, complexu ac ordine tanquam harmonica quadam cœlestium chorea deducunt. *Vid. Cornel. Agrippa de Vanitate scientiar. Cap. de Saltatione.* Similes ferme & eosdem effectus habet cum deambulatione si moderate instituta fuit; quando vero modum excedit, ita ut corpus sudore diffluat mirum fatigare & lassitudinem membrorum non nisi post aliquot demum dies cessantem, producere potest. Ubi tamen notandum venit, quod illæ exercitationum species, quæ cum voluptate quadam peraguntur, veluti saltatio est, etsi interdum celerius quam par sit celebrentur, non damnum semper neque tantam noxam corpori inducant, quam quæ omnis delectationis expertes sunt. Siquidem illi qui sese exercent, minorem sentiunt molestiam & affirmante *Silvatico Controvers. 15. pag. 79. ex hilaritate laborem ut plurimum fallunt, neque ante justæ exercitationis tempus fatiscuntur, ac paulò ulterius quam par sit, sepe progressi, excessus tamen noxam minime sentiunt.*

§. XXX. Vehementior autem motionis species est cursus; qui sicuti corpus plus calefacit & humores intensius movet, ita magis corpora exsiccant, extenuant, viscidum

C 3

resol-

resolvit, obstructionum claustra perumpit; modo illa obfervetur regula ne plethoricis & qui multum sanguinis crassi in venis alunt imo insuetis, imperetur: alias sanguinem nimis commovendo, lassitudinem non modo, sed & dolores capitis, oppilationes hepatis, hæmorrhagias, asthmata inflammationes in pulmonibus excitare valet. Videtur mihi valde commodatus esse febricitantibus, ubi febris imprimis fuit intermittens chronica. Tunc enim nisi summa obstructionum in visceribus pertinacia impedimento sit, celerrime viscidum illud consumit quod meatus cutis occludendo spasmos in cortice corporis excitat, atque motum cordis & arteriarum plus justo intensiorem seu febrem provocat. Testantur hoc vitæ agresti dediti, qui tertiana correpti motu haud raro & in primis cursu in excessum & ad lassitudinem usque peracto, promptissime curantur: unde etiam febricitantibus cursitationem, sed non diu continuandam svidet *Gregor. Horst. vid. Oper. Med. Exercit. at. 4. de febr. putridi curatione.*

§. XXXI. Ordine jam sequitur pilæ parvæ lufas, quem præ aliis exercitationis generibus commendat *Galenus*, qui etiam peculiarem libellum de eo conscripsit. Totum corpus hoc exercitium commovet, dum crura, brachia, cervicem, caput, oculos, dorsum, admodum celeriter & æqualiter exercet. At verò in assuetis fatis hæc corporis agitatio molesta est, quoniam nimis vehemens, unde etiam assuetis tantum & qui viribus constant commendanda: semper tamen illud injungendo, ne corpore per sudorem lique facto subitaneum frigidum haustum ingerant, quale quid athletarum non paucos vita diremit, dum asthmata, colicas convulsivas, pravas viscerum obstructiones, hecticam, hydropem post se traxit. Quoniam itaque non omnibus congruum est pila ludere, neque etiam decorum, isti in amplo aliquo cubi-



OPTIMA CORPORIS MEDICINA.

cubiculo ea ludere possunt, in parietem pilam impellendo, resultantem excipiendo vel in sphaeristerio manu nuda aut instructa reticulo.

§.XXXII. Apud veteres singularis in usu erat motus species, disci projectio. Erat autem discus rotunda moles faxea vel plumbea vel ferrea, cujus jactu juvenes inter se certabant, ita ut fortior judicaretur, qui aut altius in sublime, aut longius in tractum, ultra designatum spatium illam projecisset. Hic lusus hodierno tempore exolevit, viceque ejus jactant soleam ferream aut paxillum, & obiculum aeneum planum per longam mensam protrudunt. vid. *Plempius de Valetudine tuenda p. 290.* Satis insuper validum erat hoc exercitium hincque adolescentibus tantummodo robustioribus concedebatur. Illis enim qui renum aut thoracis affectibus laborabant, majorem inferebat noxam; ubi tamen e contrario illorum qui artuum vigore & respiratione valida pollebant, spinæ dorsi ac thoracis articuli discum in longius projiciendo firmabantur.

§.XXXIII. Valentissimum exercitii genus, & ob id minus conveniens est hoc, quod germanice vocant *voltisiren*. In quo, dum præter tam varias corporis inflexiones & summopere nocivas extensiones, equo cuidam ligneo, mutatis vicibus, modo antrorsum modo retrorsum, modo dextrorsum, modo levorsum insulant, fibræ musculorum motrices vehementer premuntur, totumque corpus supra modum conquassatur; ut quamvis hac nimia commotione muscoli & partes tendinosæ robustiores reddantur, tamen spinæ dorsi luxatio, partium ruptiones, facillime contingere possunt. Unde talismodi exercitatoribus articulorum luxationes, intestinorum provolutiones ac herniæ familiares sunt. Sicuti ex sola femoris distensione herniam intestinale[m] oriri posse, autor est *Job von Meckern Observ. Chir.*



*Chir. p. m. 296. cap. 6. & Blankard. in Institut. Chirurg. cap. 26.*  
inter frequentissimas herniæ aquosæ causas hanc corporis  
torturam refert.

§. XXXIV. Nunc in scenam prodit pugillatus tragi-  
cum profecto artificium, quo hominem sæpe innoxium oc-  
cidere lusus est. Hoc exercitii genus admodum mihi vide-  
tur laboriosum, hinc robustis & evsarcis tantum utile cen-  
setur: quorum articuli tam manuum quam pedum artifici-  
ali hac luctatione firmantur, musculi quoque nervi ac ten-  
dines robustiores evadunt; & quemadmodum hoc exerci-  
tio corpus fit agilius, ita iudicium quoque acuitur, quo o-  
mni fere momento ad avertenda adversariorum tela opus  
est. Debiles vero & spiritibus depauperati hoc exercitio  
summpere defatigantur; qui si ad sanitatis tutelam hoc exercitio  
hanc eligunt gladiatoriam, in scyllam incidunt; plures enim  
novi qui in hac arte nimium laboriosi, phthifici, imo ex vi-  
rium langvore hypochondriaci & ingenio hebetiores eva-  
ferunt.

§. XXXV. Spectant huc etiam omnes operariorum ac  
rusticorum labores, veluti sunt diuturna trituration, ligni  
dissectio, demessio, agricultura. Hæ quantum ad longam  
& sanam vitam contribuant, paganorum durities & inof-  
fensa corporis valetudo ostendit. Utpote si quid in illo-  
rum humoribus vitiosum collectum est, id per has agitati-  
ones membrorum mediante sudore commode excernitur:  
& tam efficax in istis est actio ventriculi, ut etiam crudio-  
res & duros cibos optime subigere queat. Notandum, illos  
qui hoc vitæ generi sensim allvescunt ac sanitatis causa in  
agrestibus operibus sese exercent, vegetiores reddi; quod  
sequenti clarius redditur exemplo: Pastor quidam in prin-  
cipio ministerii sui diu valetudinarius, multis remediis sine  
effectu assumtis, incidit tandem in medicum quendam, qui  
fani-

## OPTIMA CORPORIS MEDICINA.

25

sanitatem ipsi via compendiosa pollicebatur. Hic cum nulla se in usum vocaturum medicamenta enarraret, percontari coepit Evangelii minister, quis tandem ad salutem ipsi pateret aditus? Medicus, tum ut omnibus remediis valdiceret, tum ut trocho ingenti ad blandam sudoris eruptionem luderet quotidie, hortabatur. Exercitium placebat, displicebat trochus, itaque trochi vice ligna quotidie findere decretum fuit, idque adeo exacte a valetudinario statuto tempore observatum fuit, ut hic labor vicinos horæ admoneret. Promissis respondet effectus: vixit enim diu non tantum firma valetudine, verum ab omnibus morbis ad vitæ exitum fere immunis. vid. *Bartholom. de Moor tr. de Inflammat. Medic. p. 345.*

§. XXXVI. Dicendum etiam aliquid est de singulari motus specie, quæ sine membrorum motu perficitur; & est pronuntiatio vocis. Hæc Togatis & Litteratis utilisima est, unde egregia sunt quæ habet *Plempius l. c.* de hac ipsa, dum ait: *Usus sermonis voce pronuntiati quotidianus, mirum dictu, quam utile sit genus exercitationis, non ad sanitatem duntaxat, sed etiam ad vires; non quidem Athleticas eas, aut quæ carnes augeat, sed quæ principibus membris, penes quæ vitæ facultas potissimum est, naturale robor, vigoremque verum addit.* Vox cum fiat respiratione adaucta, qua sanguinis impulsus in cor & transitus per pulmones citatior fit ob pulmonum reciprocum & crebriorem dilatationem ac compressionem, calorem adauget, sanguinem attenuat, venas expurgat, arterias aperit, coire & concreescere humorem supervacaneum non patitur. Compertum enim ex Physiologicis est, respirationem sanguinem neutiquam refrigerare, sed potius continuo isto allisu & attritu calefacere nam dum sanguis per angustias innumerorum tubulorum pnevmonicorum transit, agitatione calidior ac floridior redditur, ejusque motus

D

pro-

progressivus mirum quantum augetur: sicuti id patet in Concionatoribus, qui etiam hyeme acerrima in Suggestu ad sudorem usque, insignem corporis, fervorem sibi adsciscunt. Quocirca non incongrue *Celsus* inter exercitationes imbecilli stomacho convenientes claram lectionem commendat. Vitandæ autem vociferationes, nimis animi motibus expressæ vocemque per vim quandam extundentes; inæquales enim spiritus contentiones, sicuti *Plempius* loquitur l. cit. gignunt hernias. Cavendæ quoque sunt pronunciations seu lectiones intensiores à cibo liberaliori sumpto.

§. XXXVII. Ad motus corporis alienis viribus peragendos nunc devolvitur nostra meditatio. Hi lenioris naturæ sunt, iis maxime commendandi, qui imbecille corpus ac viribus destitutum sive per morbum, sive per alias causas habent. Ejusmodi sunt Vectio in curru, navi, sella, lectica. Olim in Lectica portabantur Lethargici, & qui intestinorum fluxionibus laborabant. Sellæ portatili insidebant diurno quodam & lento morbo impliciti, nec non febricitantes, quorum febris ad declinationem erat perventa. Tabificis propter mutationem climatis & blandam corporis succussionem navigationem svidet *Celsus* l. 3. c. 22. Ideoque tales ex Italia in Alexandriam misit, & si imbecillitas virium longam hanc navigationem disvadebat, nave tamen, sed non diu se movere, simulque ab omnibus negotiis & rebus, quæ animum sollicitare possunt, abstinere iussit. Phlegmaticis, crassis, obesis & quartanariis vectio in Rheda commendat. *Jonston. in Syntagm. m. pr. l. i. c. 2.* Dum enim totum Corpus æquabiliter sic concutitur, ipsaque viscera simul tremulo motu agitantur, accidit, ut sanguis & humores hac ratione ad promptiorem motum & circulum invitentur.

§. XXXVIII.

## OPTIMA CORPORIS MEDICINA.

27

§. XXXVIII. Hisce motuum speciebus, quæ aliis viribus peraguntur, annumeranda quoque venit equitatio. Blandissima hac corporis concussione, ultra moderationis terminum non profecuta, sanguis citra virium dispendium in omnibus membris, nec non universa musculorum series æqualiter movetur; unde sanguis non solum subtilisatur, fluidiorque redditur sed & viscidus ac crassi humores ex glandulosis partium tubulis excutiuntur, & in cavitates excrementis colligendis dicatas, deponuntur. Hac forsitan ratione in Angliâ gravissimis etiam morbis tumque colicis renum doloribus equitationem adhibent; de qua tamen hoc loco monere debeo, ut in aliis motibus, ita hinc quoque graduum aut vehementiæ habendam esse rationem, neque promiscuè parem motum omnibus morbis æquandum esse. Hinc equitatio assuetis tantum conveniens judicatur, insuetis enim gravis esse solet, & præter lasitudinem membrorum, caput, pulmones, dorsum & nates admodum sensibilibiter offendit. Tales ideo equitationem imprimis fortiorem fugiant, & cum his, illam abhorreant nephritici, & calculo laborantes, si non voluntario oleum addere volunt Camino: metuendum enim, ne lapis angulosus opportunè hæctenus situs, hac corporis concussione in alium ac nocentiorum locum rejiciatur, & situ mutato scenam evertat; quod oppidò multis tristissimisque exemplis notum esse puto.

§. XXXIX. Quemadmodum autem Medicina selectissima, nisi convenienti tempore, certa proportione, ordine ac dosi adhibeatur, neque respectus habeatur ad individua, ratione ætatis, temperamenti, habitus corporis, vitæ generis multum variantia, ingens damnum imo periculum afferre solet, ita etiam illud ipsum verum est de motu; qui nisi prudenter, ratione individuorum habita, certoque tempore ac modo utamur, plus detrimenti quam  
D 2  
utili-

utilitatis ab ipso expectandum in arte Medica erit. Placet hinc generales quasdam regulas circa motum recte administrandum atque instituendum adjicere; ut quivis prudens Medicus inde discat verum ac legitimum hujus remediū usum & nocivum abusum.

I. Univerſim illud tenendum est, quod placidæ exercitationes & motiones debilioribus corporibus & in quibus vires à morbo diuturniore exhaustæ, plus conferant quam violentæ. Hæ enim virium paucarum reliquias ulterius dissipando, langvorem inemendabilem facile inducunt, unde prudentissimum monitum est *Celsi l. 2. c. 15.* *Levia quidem genera exercitationis infirmisimis conveniunt, valentiora verò his, qui jam pluribus diebus febre liberati sunt, aut his qui gravium morborum initia sic sentiunt, ut adhuc febre vacent, i. e. ubi vires adhuc constant.* Quocirca senibus, pueris, hecticis, phtisicis, ex morbo convalescentibus, placidum genus motionis, quale præstat vectio in rheda, navi, omnino concedendum est. Ex adverso autem corpora robustiora quæ viribus valent, & periodicis quibusdam morbis certo tempore corripri solent, non ineptè paulò validiori motu corpus exercere debent: cujus generis sunt pilæ lusus, pugillatus, saltatio, aut labor in rebus mechanicis.

II. Carnosi, pingues, & qui corpora habent multo humore obsessa & in venis ingentem quantitatem sanguinis & feri alunt, diuturnius corpus moveant, necesse est quam graciles, in ediam passii, vigiliis, venere & diuturno labore spiritibus exhausti, & qui complexionis cholericæ sunt; quibus omnibus celerior & vehementior motus summa est perniciēs. Spectant huc egregia dicta veterum & præsertim *Sapientiss. Hipp. qui libr. de salubri Dieta: Carnosos ambulare citius oportet, graciles verò tardius.* Et eodem libro: *Pingues & qui*

OPTIMA CORPORIS MEDICINA.

*Et qui graciles fieri volunt, omnes labores jejuni facere debent  
Et cibos assumere anhelantes adhuc ex fatigatione.*

III. Ratione ætatis singularia etiam merentur adverti circa usum nostri remedii: Nempe infantibus idoneum est in lectulis, cunis, vel nutricum ulnis moveri. Pueri tertium aut quartum annum agentes vehiculo agitari debent, & ut proprio quoque motu incedant, assuefaciendi sunt, ita tamen ne nimis properè ambulent, id enim crura distorquet. Septennibus concedatur exercitatio liberior, minor tamen quam vires ferunt, ne membra lædantur: interrim monendi sunt, ut ambulent, ludant globulis, pila minori, &c. assuecant quoque equitare, hoc enim faciendo fortes fiunt membris & animo hilares. Neque ulli ætati magis est conveniens motus quam ipsi puerili, dum hæc ætas propter nimiam edendi voracitatem valde obnoxia esse solet infarctibus viscerum & exinde promanantibus lentis, tabidis, & hæcticis febribus; quæ tamen incommoda omnia averti possunt, si ipsis pueris decentem corporis motionem concedamus. Juvenes & mediæ ætatis viri, in quibus velocior est sanguinis circuitus, præsertim si multum sulphuris contineat, merito à vehementioribus exercitiis, pugillatu inprimis repentè instituto ac saltu vehementiori (*voltisiren*) abstineant; cum experientia doceat, inflammatorias febres, ardentis pleuriticæ, peripneumonias creberrime sibi contraxisse: cum potius lusus cum globulis ligneis & eburneis (*Byliard*) nec non placida saltatio ac modica equitatio magis istis quadret, & suavis *Illustr. Baconis de Verulamio Sermon. fidelium XVIII.* peregrinationes ad regiones exteras illis contingant, quo præter corporis itinere motionem, saluberrima climatis frui possint mutatione. Ita etiam senes nec quietem nec exercitium vehemens postulant, qui tamen motu corporis conveniente, (ceu



30 DISSERT. DE MOTU  
 ventulo quodam flamma exigua) accenduntur. Hinc si eos exercere iubemus, virium rationem semper habeamus necesse est. Imbecilliores levisimis saltim motibus, ut gestationibus, unctionibus in rheda; validiores ambulationibus ac brevibus itineribus exerceantur. Ubi tamen semper habenda est consuetudinis ratio *juxta illud Hipp. aphor. 49. sect. II. Qui solitos labores perferre consueverunt, etiam si invalidi sunt aut senes, eos facilius ferunt, quam qui non assueti, quamvis robusti ac juvenes.*

IV. Meretur & hoc diligenter servari: ut si à motu aliquis medicinam & auxilium petere velit; ne si ei non assuetus fuit, statim in principio repente & nimis vehementer moveat corpus. Dignissimus est observatione & hanc in rem valde accommodatus *Aphor. 51. Sect. II. Hipp. Multum & de repente evacuare, aut replere, aut calefacere, aut frigefacere, aut aliter quocunque modo intempestive corpus movere, periculosum est.* Valet hoc maxime de melancholicis & plethoricis, qui si subito vehementem diu perseverantem motum subeunt, & capitis dolores membrorum lassitudinem, febres, inflammationes, difficilem respirationem sibi accersere possunt, quo spectat egregius *Galenii aphor. 1.3. posit. 20. Exercitia si hominem pituita redundante vel bili flava aut atra, aut sanguine, invenerint, ipsi apoplexiam vel epilepsiam, vel ruptionem vasis in pulmone causat.* Unde magis convenit primo paulatim & successive assuescere motui fortiori; nempe ut primo corpus lentius tardiusque moveatur, postea procedendo gradatim ad validiores motuum species. Ratio enim in procinctu est; quod, si sanguis crassus & copiosus invehementissimam agitationem conjiciatur, cum impetu ruat ad partes, ibique vel hæmorrhagias, vel hisce non succedentibus, stases inflammatorias spasmodicas suscitet,

V. Exer-



## OPTIMA CORPORIS MEDICINA.

V. Exercitationes cibum præcedant; id quod veteres crebrius in scriptis suis inculcarunt. Et optima regula est ipsius *Celsi* l. 1. cap. 2. *Exercitatio semper antecedere cibum debet: in eo qui minus laboravit, & concoxit, remissor, in eo qui assuetus est & minus concoxit amplior.* Commodè verò exercet clara lectio, arma, pila, cursus, ambulatio, atque hæc novæ atque plana, commodior est: Siquidem melius ascensus quoque & descensus, cum quadam varietate corpus moveat, nisi tamen id perquam imbecillum est. Post cibum autem omnis motus vehemens valdè noxius observatur. Hinc *Galen.* l. de boni & mali succi cibus; *Exercitatio ut ante cibum bonæ valetudini maximum adfert commodum, sic qualiscunque sumto cibo motus noxius admodum est.* Instituto enim statim post cibum exercitio, alimenta nimis citò ex ventriculo & intestinis præcipitantur, hinc que crudorum humorum copia accumulatur & chymus adhuc crudus & viscidus ad sanguinem per vasa lactea defertur, qui postmodum totum corpus reddit cacochymicum, & obstructionibus in partibus solidis, scæbici inprimis, nec non viscerum distensionibus suppeditat materiam: quod suo tempore jam notavit *Galen.* l. 6. de sanitate tuenda, dum inquit: *Exercentibus se à cibo, vaporibus caput impletur, & non nullis in hepate ponderis ac distensionis sensus percipitur.* Et *Comment. ad Libr. 1. de salubri Diata: Exercitationes à cibo vehementes in causa sunt cur multis viscera sunt oppilata.* Ubi tamen leves deambulationes una vel altera hora post pastum institutas haud inficior, quarum ope chylus novus eò promptius ad sanguinem defertur.

VI. Circa exercitationis quantitatem seu mensuram observandum venit, ut continuentur, (si vires concedunt,) exercitia ad debitam usque intumescentiam & totius corporis calorem æqualem, donec corpus appareat floridum, nec

nec non lassitudine affici incipiat, & sudor modicus aut saltim calidus vapor erumpat: quorum aliquo apparente ab exercitatione desistendum est; juxta *Aphor. Hippocr. Sect. II. In omni corporis motu, quando dolere cœperit, interquiescere, statim lassitudinem curat.* Si vero ultra modum fuerit instituta exercitatio, ex succis nutritiis major tenuium partium copia in auras pellitur, quam a cibis & potu singulis diebus reparari possit, quare succi qui alias blande inter sese moverentur, incrassantur & in motu remorantur. Ita quoque si exercitium in defectu peccat, tantus malorum acervus cumulatur ac in excessu: cum enim semper sumus quieti ac ab exercitiis vacui, consequenter minus respiramus & sanguis quoque minus accenditur; unde humores viscosi ac motui minus parentes fiunt, alimenta & excrementa nimis diu in intestinis hærentia p. n. visciditatem contrahunt & innumeris malis, morbis præsertim chronicis, panditur via.

VII. Quod regimen exercitationum attinet, omni labore ac studio cavendum est ne corpus validioribus exercitiis calefactum, nimis celeriter aeri frigido objiciatur, multominus frigidi potus intus assumantur, qui sæpius contumacissimos morbos chronicos post se traxerunt. Deinde etiam in continua transpiratione, & ob id in aere temperate calido corpus tenendum, probe tegendum, & si sudore madefactum fuerit prius abstergendum, linteamina mutanda & frictionibus calidis prope fornacem calidam cutis tractanda, & quando motus remedii vicem obire debet, non statim ingerenda sunt alimenta omnis generis, sed potius liquida & quæ non perspirationem impediunt. Vinum quoque dilutum modice concedendum, nec non juscula, & potus thæe, veronicæ, subjungendi. Neque suffi-  
cit

OPTIMA CORPORIS MEDICINA.

cit unica vice motum adornare, sed ad minimum bis de<sup>33</sup>  
die corpus exercere oportet, si valetudinem sartam tectam  
servare, & ad provectam aetatem pervenire cupimus.

Et ita breviter quidem, sed ut spero, satis manifeste,  
quæ suscepti, bono cum Deo ad finem debitum perducta  
esse confido, cujus infinitæ benevolentia omnes meos fu-  
turos conatus quoque commendo.

F I N I S.

---

Clarissimo DNO. CANDIDATO  
S. P. D.  
P R A E S E S.

**S**oleo saepe ante oculos ponere & crebris usurpa-  
re sermonibus, laborem, qui a benignissimo Nu-  
mine primis post lapsum parentibus poenæ loco  
impositus erat, optimum esse ac præstantissimum re-  
medium ad recuperandam quodammodo animæ ac  
corporis, quæ peccato amissa erat, salutem. Summæ  
benignitatis erat, in poena simul statuere remedium  
miseriæ aptissimum: utpote si rem paullo exquisitius  
expendimus; nulla res mortalium generi adcommo-  
data magis est, & illorum saluti ac sanitati utilis, quam  
labor & exercitatio. Nam laborando comparant sibi  
ad vitam ruendam, vivendique commoditatem con-  
ducentia. Labore animus abstrahitur ab omni prava  
ac vitiosa cogitatione, adeo, uti otium ad voluptates  
viam pandit paratissimam, ita labor vitiorum & pra-  
varum  
E



varum cupiditatum genus ex animo evellit, & ne ra-  
dices firmas agat, præpedit. Præter hæc quum ob in-  
temperiem, elementis propter admissū peccatū intro-  
ductam, variis afflictionibus & morbis corp⁹ obnoxii  
redderetur; opus erat, ut prospera valetudo ad tem-  
pus servaretur, infinitaque incommoda averterentur,  
id quod omne præstat a Deo tantopere commendatus  
primis parentibus & eorum posteris injunctus labor.  
Siquidem labore membra firmantur, & non minus a-  
nimus, quam corpus, hoc ipso vires majores acqui-  
rit; sanitas item, quæ in sanguinis debito circulo, &  
superfluum exclusione, maximam partem versatur,  
facta secta servari potest. Ex eo clarissime intelli-  
gitur benignissimum illud divinæ sapientiæ ac provi-  
dentia argumentum, dum labor humano generi in-  
junctus fuit, qui & animi & corporis medicinam præ-  
beret utilissimam. Felix idcirco, qui laudatissimo huic  
ordini sese non subtrahit; infelix ac miserrimus, qui  
contrariam viam amplectitur, & otio ac voluptatum  
illecebris, se suamque vitam mancipat: talis enim non  
nisi vitia animo corporique debilitatem ingenerat.  
Laudo itaque & adprobo præstantissimam Tuam in-  
stitutionem, Candidatorum clarissime, qui motum ac  
laborem inaugurali hoc specimine sistis, tamquam re-  
medium bonæ valetudinis & optimi corporis habitus,  
nec non ægritudinibus præcavendis ac sanandis ad-  
commodatissimum. Silent de hoc certe pessimo fato  
practicorum recentiorum libri, sed in antiquitatis, quæ  
semper debet & solet valere plurimum, a venerandæ  
monumentis, hæc recondita jacent. Ex hisce itaque  
non improbo labore, tamquam ex purissimis fontibus  
hæc derivasti, & medendi usui coaptasti. Ceterum me-  
rito

rito Tuis studiis ex animo gratulor, quum & perfecta eadem & probe maturata noverim. Nihil enim intermisisti illorum, quæ ullo modo accessionem ipsis poterant fœnerare, quæ tingere atque ulterius excolere fœcundissimum tuum ingenium apta erant: utpote non modo in variis Academiis, sed per varia itinera in exteras regiones, & peritiam & eruditionem Tibi comparasti non vulgarem, nostroque ductu hæc omnia sic perfecisti, ut jam dignissimus habearis, cui ex æquo artis nostræ præmia, honores possint conferri. Deus ulterius successus tuos prosperet, & clementissime efficiat, ut fortuna Tuis meritis respondeat.

Vale.




582.

Faint, illegible text, likely bleed-through from the reverse side of the page.











Kalle, Diss., 1707 (Br/R)







Farbkarte #13

B.I.G.

32

18

1701, 2

Q. D. B. V.

# MOTUM OPTIMAM CORPO. RIS MEDICINAM,

SPECIMINE INAUGURALI  
RECTORE MAGNIFICENTISSIMO,  
SERENISSIMO PRINCIPE AC DOMINO,  
DN.

## FRIDERICO WILHELMO

REGNI BORUSSIAE, ELECTORATUS ET PROVIN-  
CIARUM BRANDENBURG. HEREDE &c. &c.

IN ILLUSTRIS ACADEMIA FRIDERICIANA

SUB PRÆSIDIO  
*Viri Excellentissimi*

## DN. FRIDERICI HOFFMANNI,

D. Med. Reg. Aulici Philof. Natural. ut & Med.

Prof. Publ. primarii,

PATRONI, PRÆCEPTORIS ET PROMOTORIS SUI  
*omni obsequii cultu atatem colendi,*

PRO GRADU DOCTORIS  
rite ac legitime impetrando,

Ad D. April. M D C C I. horis ante & pomeridianis  
Publico Eruditorum judicio exponit

## ENGELBERTUS ANDREAS OTTO,

NAUMBURGENSIS.

Typis CHRISTOPH. ANDREÆ ZEITLERI, Acad. Typogr.

*Handwritten signature*

